

August
2018



Vol. IX No. 6

KRISTIAN THALAI

Kristian Thalai Pawl Chanchinbu thla tin chhuak



AN CHANCHIN	NGAIHNAWM NGAIHAWM	SUNNA	KANTU	YRC HMALAKNA
Page 10	Page 22	Page 25	Page 26	Page 21
HRAUTUTE CHANCHIN	HRINGLANG TLANG	EDITORIAL	KEIMAHNI	
Page 17	Page 28	Page 2	Page 29	

TUNLAI THALAITHE MAMAWH
- REV. DR. VANLAIRUATA, ATC

“
NGAIHDAN :
Youth Recreation Centre
”

PATHIAN HMANRUA KTP
Upa Lalmuangpua

**KHELMUAL CHHUNGA
HNEHNA PUANGTUTE** - *Hmingsanga*

HETA TANGIN KHAWIAH ?
- F. LALCHHANDAMA

Khatih hunlaia ka tawnhriat thenkhatte
- Upa Prof. Lianzela

COMMENT/FEEDBACK
@9774196355 



IMA Conclave of Youth Leaders, Guwahati



Kawrthah Biel - YRC Campaign



Saron Branch - YRC Campaign

Kristian Ṭhalai Pawl chanchinbu thla tin chhuak

1970-a chhuah ṭan ■ Kum 41-naa vawi 8-na ■ Chhuah tawh zat : 478

Editor :

Robert Lalduhzuala

Joint Editors :

C. Malsawmtluanga
Lalsiammawia Pachuau
Malsawmtluanga
K.Lalchhanhima

Manager:

Lalrinchhana Ralte

A lak man :

Kum khatah - Rs. 80.00
Copy khat - Rs. 7.00

*Thu chhuah tùr nei chuan Editor,
Kristian Ṭhalai, Synod Office-ah ṭhawṇ
tùr a ni a; a la duh chuan KṬP Office-ah a
man pèk lăwk a ngai.*

Office Phone : 9436142398

E-Mail :

kristianthalai1970@gmail.com
centralktp@gmail.com

KRISTIAN ṬHALAI PAWL

Thupui

Rawngbawl tùra chhandam

Thupui innghahna

Ephesi 2:10 Thil ṭha ti átán
Krista Isuaah chuan siana awmin,
ama kutchhuak kan ni si a, chu thil
ṭha tih chu kan awmna tùrin
Pathianin a buatsaih lăwk a ni.

Thiltumte

1. Isua Krista rinna leh amah anna
kawnga ṭhalaita hruai.
2. Kohhran kut ke ni tura ṭhalaita
buatsaih.
3. Kohhran hnathawh tihpuitlin.
4. Krista Chanchin Ṭha puan
darh.

A CHHUNGA THU AWM

1. Editorial	2
2. Tunlai Ṭhalaita mamawh	3
3. Khelmual chhunga hnehna puangtute	6
4. An chanchin : Sailianruma	10
5. Khatih hunlaia ka tawnhriat ṭhenkhatte	12
6. Heta tangin khawiah?	15
7. Hruaitute chanchin : Dr. Lalrotluanga	17
8. Pathian Hmanrua - KṬP	19
9. YRC hmalakna	21
10. Ngaihnaawm Ngaihawm	22
11. Ngaihdan : YRC	23
12. Sunna	25
13. Kantu : Phullen Vengthar	26
14. Hringlangtlang : Pathian hun	28
15. Keimahnai	29



Dinna tichiang ang

Tih tur dik leh sawi tur dik hria te hi mi fel an ni a, sawina leh tihna hun leh hmun tur hria te hian mifing tih an hlawh thin. Chutiang taka a hun leh hmun hriaa, thildik tia thudik sawi chhuak ngam te chuan mifing leh huaisen nih an hlawh bawk thin.

II Timothea 4:2 a Tirhkoh Paula'n a hunah te, a hun lovah te pawh bei zel rawh min tih ang ngei khan keini Kristian Thalai te tan chuan eng hun mai pawh hi thu kan hrilna hun leh rawng kan bawlna hun tur a ni ta a ni. Chung hunah te chuan chunglam ngaiha mifel, fing leh huaisen kan ni thei angem le? Chu dinhmun luah tur chuan thil tha tih tur dik tak 'rawngbawh hna' thawk a, sawi tur dik 'Krista Chanchintha' puang a, eng hunah leh kharwi hmunah pawh Krista tana thuhretu nih ngam a ngai ngei ang.

Tunlai hian Social media in kan nun hi a chimin min chim pil purh purh a ni ber a, kan duh emaw duhlo emaw lo dan ngawt theih a ni lo. Mi thenkhat inti fing pui pui Kohhran leh KTP te hnaih ngai hauhlo mai ni lova, pawl pakhat ang maia ngaia a ropuina leh hlutna hre hauh lo te pawh an lo awm ta zel, chungmi te chuan thudik ni anga lang, dik hmelfu Kohhran zirtirna nena kal kawp thei hauh lo leh tha tak anga lang kan rinna nen a in mil thei hauh silo te an rawn ziakin an rawn sawi bawk a, thenkhat lah lo pawm a, lo nghing nghal mai tawk lah bo lo. Ngaihtuah chiang mang lova lo awih a, lo thle dual dual tur kan ni lo tih hi kan hriat a tul ta hle. Bible-in engtinngae a tih tih hi kan lo thlirna tur a ni ang.

Chuvangin KTP member te hian ngaihdan nghet leh mumal neiin kan dinna hi kan tichiang tur a ni. A rawngbawh hna leh Kohhran humhim a, tan tlat tu ni thei tura kan rilru siamfelin thlir tu ni ngawt lova keimahni lam pawh kan inbuatsaih ve a tul ngei ang. A hun a sawitur dik sawi a, thil tha tih tur ti ngam bawk turin Kristian Thalai Pawl member te inbuatsaih ila, Krista leh Kohhran tan kan dinna i tichiang ang u.



Sermon

TUNLAI THALAITHE MAMAWH

Rilru lam puitlinna

- Rev Dr. Vanlalruata, A.T.C.

Tunlai thalai thenkhatte hi an thiltih leh awm dan hriat duh in *engnge i an?* han ti ila, min chhan dan tam tak chu "*a pangngai*" tih hi a ni ta fo mai a. Engnge maw 'pangngai' tih hian a kawh tak ber le? A tha lam nge, tha lo lam tih pawh a Chiang Chuang lo. Thil Chiang tak sawi tur nei lo, mahni awm dan pawh hre fiah zo lo thalaite zing ah kan tam ta niin a lang a, hei hi kan insiamthat vat a pawimawh hle. Hetiang hian ngaihtuah chhunzawm ila:

1. Mahni inhriat chian (Nangmah ni rawh).

Tu nge i nih?

Eng nge i duh zawng leh duh loh zawng? Eng mizia nge i neih? Engvanga he thil hi ti nge i nih? Eng mi nge nih i

tum? Heng zawhna hrang hrang hi mahni ngeiin chhanna fel tak neih a pawimawh. Miin an hmuh dan che ah in nghat suh. I duh zawng leh mizia chu nangman midangte ah lantir zawkrawh. Mi dang nun *copy* ve mai suh. Midang awm dan leh thiltih aiin nangmah ngei kha Pathianin a bika a siam che i ni tih inhriat chian a pawimawh a. Vanduai thil

Miin an hmuh dan che ah in nghat suh. I duh zawng leh mizia chu nangman midangte ah lantir zawkrawh.

a lo piang palh (accidental) i ni lo va, Pathian kut chhuak i ni a, i awm chhan leh dam chhan hre Chiang turin tunge i nih inhriatchian a pawimawh. Pathian in a

duhna che kha hriat chian a tul fo thin. Lal Isuan Petera hnenah "Nang erawh chuan mi zui rawh" (Johan 21:21b) a tih kha. Mimalin a duh che a, a mamawh che.

2. Bul tan la, rah seng tur i nei ang.

Thil reng reng hi a bul tan (start) a awm loh chuan a tawpna (result) a awm thei ngai lo. Nun kawng zawh

bul ðanna pawh a awm tur a ni. Nitin khawsak ngaihtuahna ah pawh bul ðanna neih a pawimawh. Kan ramah ðhalai tam tak hi mahni a nun kawng bul ðan ngam lo, mi kalna hnua kal ve mai tum, a huho leh mi dang te bul ringawt a khawsak leh thiltih tum kan tam lutuk hi a ðha lo. Mahni a in leh lo din tumna rilru pawh nei lo, nu leh pa in sak sa a khawsak tum tlat te kan ni tur a ni lo. Mahni ngei thawhchhuah atanga In leh lo, chhungkua din kan tum tur a ni. Bul ðan na nei ila, rah seng tur kan nei ang.

Rinna leh thlarau lam kawngah pawh mahni intodelh kan tlem em em a. Mahni a a hranpa a ngaihdan leh pawm dan nei thei tur a Pathian thu te pawh hi zir peih tur a ni a. Mi pawm dan leh pianthar dan ang ang awm tum ve mai kan nih chuan kan ding nghet lo ang. Pathian nen inlaichinna leh inzawmna Chiang leh nghet kan neih a pawimawh a. Pathian rawng kan bawl chhan pawh sawifiah thei tura inngahna mumal (principle) kan neih a ngai. A huhova rawng

bawl na a inhman dual dual piah lamah mahni a theology/ rinna inngahna mumal neih a tul ðhin.

3. Rilru hrisel (mental health) a pawimawh.

Hmasawanna a chak a, nun a danglam chak a, eizawanna leh khawsakna ah competition a sang telh telh, beidawng leh rilru hah kan pung zel si. Chuvangin rilru hriselna (mental health) kan ngai pawimawh a ðha. Taksa ðhang lian mahse rilru a hrisel loh chuan a hlim theih loh.

Engtin nge rilru hrisel kan neih ang?

1) *Nangmah innngai hlu rawh.* Mahni insit lutuk lo la, Pathian leh mihring ngaihah i hlu tih hre reng rawh.

2) *I taksa hriselna ngai pawimawh rawh.* Ei leh in ðha ei la, tui in tam la, mu tam la, taksa insawizawina lam uar rawh. (computer leh screen hmaah hun hmang tam lutuk suh), zuk leh hmuam ah fihlim tum rawh.

3) *Ngaihtuahna hrisel a pawimawh.* Thil reng reng a

tha lam zawng a thlir thiam a tha. "Harsatna pawh kan thatna tur a ni ang' ti a dawnsawn thiam tur a ni. Harsatna hi mihring nun a bet tlat a ni tih hriat a, a lo thlen pawh a chia i loh tur a ni.

4) *Midangte nen inlaichin na tha siam rawh.* Mahni chauh in ngaihtuah ngut ngut lovin, i chhungte leh midangte nen inlaichinna ti chak zawngin tan la rawh.

5) *Khawtlang leh kohhran tan in hmang rawh.* Midang tanpuina lamah i hun hmang rawh.

6) *I thlen theih tawh tum (goal) in siam rawh.* Tlin loh leh phak loh tih tum suh. I phak tawh hre chiang la, i phak loh nihna sang emaw thiamna sang emaw hna sang beisei suh.

7) *Thil thar ngaihtuah rawh.* Hna ngai reng emaw program pangngai reng emaw a awm te hian hmasawna a ti thanawp thei a. Hnathawh ngai loh han thawh te, kal ngai lohna kal te, than thar han siam te hian nun a ti hlim thin.

8) *Zu leh drugs lakah fihlim rawh.* A rual pawl tawh a zu in emaw damdawi tih emaw hian harsatna a ti punlun thuai a, tih loh a tha.

9) *Harsatna i nei hin tanpuitu pan hreh suh.* Rilru lam harsat hi mi pangngai chuan kan neih vek a ni a, a zahthlak loh. Harsatna kan neih chuan mi thiam panna chang hriat hi a pawimawh a, zahthlak a lak chi a ni lo va, mi fing te thitih dan zawk a ni.

10) *Pathian lam ngaihtuah rawh.* "Chung lama thil awmahte in rilru nghat tlat rawh u, lei a thil awmah te nghat lovin" (Kol 3:2). I harsat lai pawhin nangmah tanpui turin Pathian a hnai reng a, a kalsan lo che a, i kiangah a awm reng tih hria la, tanngtai theih nghilh suh.

(Isaia 41: 10; Mat 28:20).

I thiltih (result) chu midang thiltih nen khaikhin kher lo la, midang i ni thei chuang lova, mahse nangmah rau rau ah a thatber i la ni thei a nia.



Article

KHELMUAL CHHUNGA HNEHNA PUANGTUTE

*Hmingsanga
Chhinga Veng*

Zan ngahhlelh World Cup a liam a, a zunzamin min la fan a. Chanchin ngaihnaawm tam tak a hnutchhiah a. Player thenkhat ten an hming chher tharin khawvel hriatah chawimawina nopui dawmin football khawvelah thang an chhuah a... Khelmual pawn lamah chanchintha la hre ngai lo khawvel hmun hrang hrang atanga pungkhawm ten chanchintha an hriattheihna tura thahnem ngai taka lo thawk pawl an awm ve mek bawk. Pawl hrang hrang zingah Mission Eurasia te hi chanchintha thehdarh kawnga thawh hlawk ber pawl an ni hial awm e.

Mission Eurasia ah hian Kohhran hrang hrang 400 zet in tel khawmin World Cup lai khan tawngtaina nen 'fehchhuah' programme an hming a. Bible 600,000 zet an sem chhuak a, chu chauh a nilo, Thuthlung thar bu a bik a siam, QR Codes awm, QR Code atanga biak in kalna kawng khawhhmuh thei 100,000 an sem bakah, Bible study groups 1,800 leh naupang pualin camp 15,000 an buatsaih. Mission Eurasia te hnathawh hian rah tha tak a chhuah chhunzawm an beisei hle. Khelmual chung lama che tla player pahnih chanchin ngaihnaawm kan han thur chhuak e.

Aleksandr Samedov

Spartak Moscow academy atanga inzir chhuak, a naupan lai atang pawh a en bik hlawnh, Spartak Moscow academy atanga inzir chhuak zingah an dah san ber pawl te pawh a lo ni ve tawh Aleksandr Samedov hi Russian professional footballer a ni a. Spartak Moscow ah khel mekin Russia national team ah 2011 atangin a khel chho tan a. Russia aiawhin 2014 leh 2018 World Cup ah te a khel. Aleksandr Samedov hi Moscow a piang niin, a pa hi Azerbaijani hnam, muslim sakhaw vuantu a ni. A nu hi Russian mi niin orthodox

christian a ni thung. Samedov hi an chhungkaw lam thil leh a football khelhna kawngah harsatna a nei nasa a. Samedov chuan " Ka pa hi Muslim a ni a, Azerbaijani hnam a ni a. Ka nu hi Kristian a ni a, Russian a ni thung a, sakhuana leh hnam thilah ka buai ru fo a, ka pa hian muslim i ni min ti a, ka nuin a pawm lo hle thung a. Khawi zawk nge pawm a, zawm tur tih hi ka naupan lai aṅanga ka buaina pakhat a ni a. Ka inkhelhna kawngah ka duh angin ka che ṭha tawk lo bawk a. Ka rilru hi a buai nuaih nuaih a ni ber a, ka rilru a hah a, min delh tlattu awmin ka hria a, ka nunram a chau ngawih ngawih a ni ber " a ti.

Samedov hian nupui Yuliya Samedova a nei a, a nupui hi kristian a ni. A nupui hian a harsatna sut kianna ṭha ber chu Biak in a kal a ṭawngṭai a, Pathian hnena inhlan turin a ngen fo a, a nupui ngenna chu tih hlawhtlin sak in biak in kawng a zawh ta a. A tir lamah chuan a beisei thawpik kianna tur khawp a hmu mai lo a, a nupui leh a nuin ṭawngṭaina lamah theihtawp an chhuah ve reng ṭhin.

Tlai ngai lo Pathianin chuan a hun takah Samedov a mamawh chhanna chu a pe ta a. Lal Isua chu Lal leh chhandam tuah pawmin, Kristian-ah a inpe zui ta nghe nghe a. Kum 2014 khan Sports Spectrum-in a kawmnaah chuan "High School kan kal lai aṅang tawhin zirilaibu bak hi eng lehkhaw mah hi ka chhiar ngai lo a, chu pawh chu ka chhiar ṭha peih lo a, football khelh bak ka rilruah a awm ngai lo a, Kristian ka nih hnu erawh chuan ka mamawh leh ka duh tam tak ka hmuhna hnar chu bible a lo ni ta zawk a ni. Ka nun kaihrwaitu ber a ni zui ta hial a, hun harsa leh khirh ka hmachhawn chang pawhin thlamuan rukna ka nei tawh a, Pathian rintlak zia leh min awmpuina mak tak hi midang hnenah pawh puan zel ka duh a ni" a ti.

Keylor Antonio Navas Gamboa

Ni 15 December 1986 a piang, feet 6 a sang a hming pum Keylor Antonio Navas Gamboa hian an ram club Deportivo Saprissa tan ni 6 November 2005 khan goal a veng ṭan a. He club a khelh chhung hian Costa Rica

league ah vawi 7 zet a khelhna club hi a champion pui a, Kum 2010 khan Spanish second division club Albacete Balompié a zawm tan a, 2011 - 12 Season khan vanneithlak takin la liga club Levante UD chu kum khat chhung loan in an hawh chhuak a, a vanneih a kaltluang a, a khelhna club chuan a vawikhatna atan Europe a in elna sang UEFA Europa League an khel phak ve ta hial a, Season hnih chhung erawh first choice keeper a ni phak lo thung.

An ram aiawhin 2003 FIFA U-17 World Championship ah khel ve a. Chumi hnu kum thumnaah senior team a khel turin kum 2006 khan koh luh a ni ve leh ta a. Kum 2009 CONCACAF Gold Cup ah erawh chuan Costa Rica goalkeeper pawimawh ni tawhin, an ram chu semi final a thlen pui ve ta hial a, CONCACAF Gold Cup ah hian Best Goalkeeper ah thlan a ni zui ta nghe nghe.

World Cup 2014 ah a cheṭha leh zual a. Group stage ah goal khat chiah a chhuah a, goal ngei tura ngaih vawi tam tak a dang a. Round of 16 ah ropui takin an che

chhonzawm a, penalty a dang bawk a. Amah avangin Costa Rica chuan a vawikhatna atan World Cup ah quater final an thleng ve ta hial a. World Cup 2014 ah khan vawi 3 ngawt Man of the match ah thlan a ni a. Goalkeeper zinga Man of the match a thlan ngun ber a ni ta hial a.

Keylor Navas chuan "Pathian hnenah min ṭanpui turin ka ṭawngṭai ṭhin a. Khelmual chhung pawh Pathian ropui zia chu tarlanna hmun a nih theihna turin ka dil fo ṭhin" a ti. Galatia 1:10 chu a Bible chang duh ber a ni a. Engvanga chulai chu chang chu duhber nge a ni tih an zawh chuan Navas chuan " Mi ṭhenkhat chuan inkhelh dawna khelmual sira, ṭhingṭhi chhunga Pathian hnena ka ṭawngṭai ṭhin hi lo helh tawk an awm ve leh zauh ṭhin a, min sawiselna ngai pawimawh aiin Pathianin khelmual chhung leh pawna min enkawl dan hi a ropui a, malsawmna tam takin min vur bawk a, chung chu theihnghilh phal chi rual a nilo a, ṭawngṭai zel hi ka duh zawk a ni" a ti.

Kum 27 a upa Navas chuan "tun dinhmun ka thlen theihna chhan hi rim taka ka thawh te Pathianin mal a sawm a, Pathianin inkhel thei turin hriselna tha nen min thuam a, In ah nuam sa taka thuin, thil tha zawng zawng lo thleng se tia nghak veng veng tur ka ni lo a, rim takin malsawm tlak ni turin ka thawh tur a ni tih hi ka thupui a ni" a ti. World Cup 2014 ah goalkeeper tha ber lawmman Golden Glove Award dawng thei tur zingah a hming chhawp chhuah a ni ve mahse champion team Germany keeper Manuel Neuer hnenah hlan a ni ta zawk a.

Chhanhai leh riangvai te chhawmdawl na kawngah Navas hi nasa takin a inhmang a. A kaihhruaina hnuaiah pawl pakhat 'Vida Nova' chu hmang tangkaiin, football hmangin rawngbawl hna

pawh a thawh nasa a, 'Evangelical FC' tia hming vuahin rawng an bawl thin bawh.

World Cup a chet that em avangin an ram lamah pawh lawm leh chawimawi a hlawh zui hle a. Navas a pianna khua San Isidro a stadium Perez Zeledon, chu a hming thlakin Navas hmingchawiin 'Estadio Municipal Keylor Navas Gamboa' tiin thlak a ni. A hming an thlak chhan hi thalai te tana entawn thlak a nih vang niin an sawi. Chumai a la nilo San Isidro city council chuan "favorite son" ah an puang zui bawh. World Cup 2014 a hming chher thar ta em em Keylor Navas hi Spanish club ropui Real Madrid chuan Bayern Munich aia ngam huai zawkin \$10 million in an lei chhuak a. Real Madrid player pawimawh a ni zawm ta zel a.

KRISTIAN THALAI Editorial Board

Kristian Thalai Manager Upa Lalmuanpuia chu MSSU lamah sawn a nih tak avangin Kristian Thalai Manager thar atan Joint Editor nilai Pu Lalrinchhana Ralte chu ruat a ni a, Editorial Board member thar atan Pu Malsawmkima, CKTP Committee member chu ruat thar a ni bawh.



SAILIANRUMA

H. Lalthruaitluanga
Mission Veng

Bau thla, kum 1927 a ni a. Thenawm State Manipur a khaw lian lo tak Suansang ah chuan Pathian ringlo mi Lal Mangkhawluna a lal mek a. Chapchar Kut a lo thleng a, khaw lian tak ni lo mahse Suansang mi te chuan an thiam leh theih ang tawka nuam leh ropuiin kut an hmang a. Tlai ni tlak dawn thlengin an la ri mup mup mai a.

Chutih mek lai chuan tirkkoh Sailianruma pawh chanchintha hrila a zinchhuahna atangin a lo haw thleng ve mek baw a. A ni hi Lal Mangkhawluna'n kum liamtaa an khua ata a rawngbawluna avanga a hnawhchhuah zet hnu a a koh kir leh kha a ni a. An inkar boruak a tha lem lo. Chutia phak taw a ropui a an kut mek laia chanchintha avanga Sailianruma zinbo daih chu Lal chuan a ngaithei ta hauh lo. Thah duhna thinlung a nei hial mai! Mahse amah nilovin a khawnbawlte a tirschhuak ta zawk a - a thu ken tir chu Sailianruma hnawh chhuahna bakah, tumahin eitur pek loh tur tih te,

chutiang a lo tanpui tu an awm anih chuan lei chawi hnua khua atanga hnawh chhuah nghal tur tih a ni hem mai!

Mangkhawluna thupek ang chuan Sailianruma chu khua ata hnawhchhuah a ni ta a. Amah chauh te chuan khaw dai panin a kal ta hnak hnak a. Amah khawngaih a lainattu nei ve baw k mahse lal thupek avang chuan tumah reengin an tanpui ngam der mai silova. Khua a pelh dawn hnaihah chuan hmeithai pakhat chuan a khawngaih ngang a ni ang - lal thupek hlau chung chungin vaimim chhum kawm khat a lo pe a. Chu vaimim nen chuan zan thim

hnuaiah daipawn lam pan
chuan a kal ta zel a....

Khua aṭanga hla
vaklo ah chuan
theipalingkawh kung
zung thlar lukhamin
Sailianruma chuan riah
hmun a rem ta a. Khawhar
taka mutmu a tuah mek
laiin, lei khuhtu van a'n en
a. Van rang dum pawl
thiang vuk mai a'n hmuh
chuan, hrehawmna reng a
awm lohna vanram a
ngaihzuall tir ngang mai.
Ni tlak tawh ngai lohna
van Zion khawpui chu
ngai em em in -

*'Ni tlai ngai lo Zion
khawpui,
Ngaiin ka rum ka ṭap
chhun nitinin;
Puan ropui sinin an leng
tlansa te,
Ka tan hmun a awm ve'm
chu ramah chuan?'*

tiin hla a phuah zui ta hial
a.

A chen mekna
khawvel ah chuan
cheksawlh leh hnawh
chhuah nimahse, a tana
thi Chhandamtu thisen
zarah zalenna ram ah a la

cheng dawn a ni tih te,
amah hmangaih em em tu
Lal Krista hmel duhawm a
hmuh chakzia te a
puangchhuak zui ta a nih
kha...

Hetah hian Tirhkoh
Sailianruma chanchin hi a
tawp mai lo. Pathian in
ropui takin a hmang zui a.
Chanchinṭha a tlangaupui
zel a, a hnathawh rah a
seng zel bawk a. Nakinah
phei chuan Pastor atana
nemngheh niin, Rev.
Lianruma tia hriat lar a ni
zui ta a. Kum 82 mi ni a July
22, 1980 a a thih thlengin,
a duhtak 'Lal hna' a thawk
ta zel a ni.

Sailianruma ang a
harsatna tawh hi kan tam
ngawtin a rinawm. A ni
anga harsatna kara van lam
en a, a hrehawm lam
theihgilh tur khawp a van
ropuina hmu thiam erawh
kan tam lo maithei. A ni
kha zawngin a thei miao si
a....

A hmun ropui leh a
mawina zawng aia a hmuh
chak hmangaihtu Lal Krista
hmel duhawm chu a hmu
tawh ngei ang le!

KHATIH HUNLAIA KA TAWNHRIAT THENKHAT TE

Upa Prof. Lianzela

Central KṭP Committee a ka tel ve lai hi kum 1980-1986 (Committee member 1980-1984, Asst. Leader 1984-1986) inkar kha a ni. 'Kristian Ṭhalai' kan enkawl ve laia buaithlak ve tak chu *Freedom of Press* awm mumal loh lai a ni, Sawrkar lamin kan chhuah tur an lo endik (*Censor*) hmasa zel ṭhin kha a ninawm duh ve khawp mai.

Kum 1980 kha ka tana kum chhinchhiah tlak a nihna a awm nual a. Central KṭP Committee Member a min thlan kum a ni a, (Min thlanna hmun hi KṭP General conference Kolasib-ahkhan a ni, USA leh Canada a zaipawl a kan zin hlan a ni nghe nghe. Kohhran Upa a min nemngheh kum a ni a, hetih lai hian tlangval kum 30 mi ka ni. Mizo Zaipawl (*Mizo choir*) US & Canada a kan zin ṭum 2 na kum a ni bawk. Awle ka tawnhriat tlem a zawng, ka ngaihtuahna a lo lang hmasa sa angin kan tarlang a nge.

Kraws phun: Kan hunlai khan khawvel huapa 'Ṭhalaite kum' (International Youth year) hman ṭan a ni a. Central KṭP in 'Ṭhalaite kum'

hriatreng nan engnge kan tih ve ang tih kan ngaihtuah a. Durtlang Leitan (Aizawl lam atanga Leitan luh dawn) a Kraws ding, Laipuitlanga Kraws leh Synod Conference panna Gate chhaka Kraws te khi CKṭP in a bial ṭheuh te ngen naa *International Youth Year* hriatrengnaa tana phun a ni a. Khatih laia kan rilru a awm chu khawvel thang zelah khualzin tam zawkin Aizawl an rawn tlawh dawn a, kan khawpuiah an hmuh ngei theih tur a *Christian Symbol*- 'Kraws' lo pho lan a, lo tar chhuah a ni.

Ke a kal a zin chhuah: CKṭP hruaitute khawpui pawn Bial leh Branch tlawha ke a kan kala ka tel ve na ka chhinchhiah chian zual chu

Reiek leh Ailawng a kal leh, khatih laia Hlimen Bial (Khawchhete/Samtlang, Lungleng, Hualngohmun, Melriat leh Kelsih) a kal a ni. Ailawng-a kan kal tum hian kan haw tukah khuaa chhiain ruah a sur cherh cherh a, an khaw chhuknaah Chiang em em in mawng sawh dawpin ka tlu a, ka insawh thawm a rin em a vangin a nat hmel bawk a, ka zin pui Upa Chhawnvunga'n "Zela a na em? I zep a ni lo maw?" min ti cham chi mai a. A hlimawm hranpa khawp a ni!

Hlimen Bial fan : Hlimen bial kan fan tumin Khawchhete a kan awmlaiin (Ram buai lai a ni bawka) zana ka mu tawh CRP Duty in min rawn kaitho thut a, thosi len hnuaia ka mu lai chu Torch Light engtawkin min rawn chhun thut mai a, a nuam hranpa lo hle! Pawnah min ko chhuak a, MNF ka ni lo tih an hriat hnu chuan min kalsan veleh ta mai bawka, khatiang kha tawn nawn leh ah ka duh vak loh pawl tak a ni.

Khaw vawt ka tawng: Suarhliapa CKTP Programme a ka kal tum a ka thil tawn zet

kha chu VAWT ka ti takzet tih bak kha ka sawithiam lo. Ke a kal te a ngaih dawn avangin mutbu/puanthuah rawn keng lo mai ru an ti a. NI. Lawmchhungi (Lawmbawihi, Venghlui) leh member dangte nen kan kal a, ka thlen In kha tlang/Sawntlungpawng a awm, a chhuat leh a bang dap mai a ni a.

Conference thleng an ni a, mikhual an nei nual a, puanthuahin daih ta hek lo. Sai ip/Buara phahah puan hlap pakhat ka sin a. Thawmhnaaw lum ka ken ang ang erawh ka in bel ve a. Luipui phaia thlasik lut January/February thla vela mi chu a tawrhlelh awm khawp. Zanreia thli thaw, inhnuaia atang leh bangawng atanga thli lo lut chu a vawt vin teh a nia, tawm chi kimin ka tawm a, zingah chuan ka sil urh a, ka taksa hi a na vekin ka hria. Pastor a bengvara, an nu hnenah Blanket/Rizai tam tawk thawm turin a chah a, zan hnihna atang chuan ka mu lum thei ta! Ka lawm teh a sin!

Tut atanga Mamit ke a kal: 1985 KTP General

Mamit in an thlen tum khan Motor lian hian Mamit a la lut lova, Mamit Bial nen kan in biak dan chuan Central lamin Tut thlenga Palai kalna Bus etc. ah mawh a phur ang a, Mamit Bial lamin Tut atanga Palai mutbu/Puanthuah etc. motor te (small vehicle) a thiar an mawhphurhna a ni ve thung ang tih a ni. A tul angin Pu Saikapthianga pa Tractor pawh dil tur a tih a ni.

Palaite Tut kamah kan thu nghuk a, Mamit lam atangin Vehicle lo thleng a awm ta hauh lo! Ava buaithlak em! Mahni bag leh mutbu kenga Tut atanga Mamit thleng kan kal ta chu namailo tak a ni. Ke na lutuk, tiang hawl, bai sawih sawih hmuh chu thil nuamlo theih tawp a tlingin ka hria. CKTP Leader chu General Conference ah hian a kal theih loh avangin Asst. Leader in Leader ai ka awh tum a ni lehngal a – mawhphurhna a lian, tih vak ngaihna a awm silo! Thlen kim zan inkhawm

‘Cancel’ a ngai a, palai leh a thlengtu kan buai mur mur a ni deuh ber mai.

Mahse Pathian tlai ngailo a lo che ta! Khami tum a Speaker Pu Vanlalnghaka’n thuchah nung tak leh ropui taka a sawi hnu khan kan dam ta sawng sawng hlawm, thlarau in min chenchilh a, nuam kan ti, Chungnung bera thiltihtheihna in min hliahkhuhna a chiang khawp mai! Tichuan CKTP hruaitute ngeiin Mamit a sawrkar motor awm etc. kan bia a, ‘Communication Gap’ a awm tak loh ah chuan haw lamah pawh thil a fel ta duak a ni. Ava lawmawm tehreng em!

Awle, Central KTP committee ka awm ve laia ka tawn hriat tlem ka ziah hian tunhma leh tun ami – khatih lai leh tun hun zel min dawhzawm se. Kan hun zela Pathian min hruaina leh awmpuina hlutzia tarlang se ka duh ber a ni.

Kristian Thalai August Issue

Cover Design: Zairemkima Khiantge, Ramhlun North Br
Cover Photo : K. Lalmangaihzualla, Ramthar North Br.





Heta tangin khawiah?

*F. Lalchhandama,
Bungkawun*

Kum 100 chuang zet kan kristian ta. Kan rin tirh lai ai khan nasa fein hma kan sawn tawh a, thui fe kan thleng tawh. Kan tum pawh van nuam a la ni reng.

Thuhriltute'n khaw thlang kohhran an sawi thin a - inkhawm tur an awm loh avangin Biak In tam tak rauhsan a ni tawh, tiin. Keini erawh kan than a that lai tak nge ni, Biak Inah kan leng lova, a aia lian leh ropui zawk kan din thar deuh deuh a. A nuam teh e.

Hetianga hi kan ni reng thei ang em? Tun atanga kum 20 ah eng nge kan an ang? Khawi nge kan thlen ang a, eng tin nge rawng kan bawl zui zel ang le? Member hla hnuehnaiah harsat tak zia te, mi fel leh mi thiam Biak Ina lawi tha duh lo an pun deuh deuh dan te hi kan ngaihtuah ngai em le?

Thenkhatin KTP hi Central Service kan neih loh chhanah an puh a ni awm e. A dik leh dik loh ka chhui lem lo. Sawi kai lo tura awm theih erawh a tha hle mai. Kan

member-te zingah *competitive exam* bei tura rilru siam an awm a nih phawt chuan awl thiam ila. Ei bar zawn kawnga inphun nghet duh an awm phawt chuan kep zel theih te pawh a va tha em. Amaherawhchu, zirna chhuanlama inkhawm thlah dah hian nun kawng thlan fuh loh a awl hle lawi a. Chutianga chu mi tam tak an awm tawh. Kan ngaihsaka kan venpui zui zel erawh a tul ang.

Kan khawvel mil zelin kan eizawn dan a inher rem a, kan kristianna ngei pawh Biak In leh a vela kan nun dan ai maha hna kan thawh that leh that lohva min tehsakna khawvelah hian inkhawm hman mang lova hnaa tul buai a awm theih. Thiam loh hlauva zirna kan bawh tak tak hnu hian nun tha aia lehkha zir ngaihpawimawh a awl ta viau bawh. Inelna khawvelah

kan cheng miao a, heng hi sawi hnawm chi rual a ni si lo.

Nu berin buhfaitham a khawn a, pa a pavalai a, thalaiin zan awl kan nei lo. Naupangte chu puitling tih dan danin an la awm thei a, khawiah nge tleirawl an awm ve tak? Nun kawng zawh tur an thlan hun, mihring hun harsa berah an zirnaah kan inburbun tir a, an nun kan thlahdah hlauh a, an naupan laiin kan lo thlung nghet baw si lova, an peng ta zeuh zeuh a. An leikan hnuah kohhran bel turin kan innawr leh a, a sawt mawh tawh thin. Nu leh pa an inkhawm a, fanau an inkhawm ve si loh chuan rawngbawl na chhun zawmtu tur an awm chuang lo. Fate zirna kan ngai pawimawh a, Kohhran hlutna kan zirtir tel si loh chuan kan

hma hun a eng chuang lo. Eizawnna tha kan duh a, eizawngtu tha kan hrin si loh chuan lawm a kim chuang lo.

Thiamna kan duh ang tal hian nun tha hi duh ve ila, chumi atan chuan chhungkaw inzirtirna hi a sawt baw a ni. Kohhran kal zel tur atan pawh chhungkaw tha baw a pawimawh. Chhungkua kan kawrawng a nih hlauh zawngin heta tangin khawi tehlul nge kan thlen ang? Hindu lalram din tuma an hmanhlelh mekna ramah hian chhungkua kan inkulh ngheh loh zawngin kan nghing ang. Thalaite hian chhungkaw pawimawhna hi tlangaupui tam ila, venpui baw ila, kan rawngbawl na pawh a sawt leh zual ngei ang.

SAWMNA

KTP, Champhai Vengthlang Pastor Bial chuan 12th & 13th September 2018 chung hian Diamond Jubilee, Champhai Vengthlang Biak Inah lawm kan tum a. Bial chung Branch hrang hranga member lo ni tawhte, Bialtu Pastor leh Pro. Pastor lo ni tawh zawng zawng te, he hun min hmanpui tur hian kan sawm a che u.

KTP, Champhai Vengthlang Pastor Bial

HRUAITUTE CHANCHIN

Dr. Lalrotluanga

CKTP Treasurer



CKTP Treasurer tang lai Dr. Lalrotluanga hi G. Ralkaptluanga leh Ronguri te fa pathumna ni turin September 5, 1980 khan Synod Hospital-ah a piang a. Tunah hian Luangmual veng, Aizawlah an cheng mek. Kum 2016 khan Rebecca Lalrotluangi nen inneini fanu pahnih Rachel Lalrinpuui Ngente (Kum 1 leh thla 6) leh Ruby Lalhlimpuii Ngente (Thla 3) an nei.

Zirna leh eizawna lam :

Primary School hi Bilkhawthlir-ah te, Lungei-ah te leh Aizawl-a Zotlang Primary School-ah te a zir a. Middle school hi Luangmual Middle School atanga zir zo lehin High School hi Govt. KM High School atangin a zirchhuak leh a. Pawl 12 hi Kotagiri Public School atangin a zir zo leh a, B.Sc (Zoology) hi Pachhunga University College-ah zir zovin, M.Sc(Entomology) leh M.Phil hi University of Delhi atangin a zir chhuak leh a ni. Kum 2014 khan Mizoram University atangin Doctor of Philosophy (Zoology) a hmu nghe nghe a ni. Tunah hian State Vector Borne Disease Control Programme,

Directorate of Health Services-ah State Entomologist-in a thawk mek a ni .

Rawngbawlna lam :

Tuna rawngbawlna a chelh mekte chu - Luangmual Vengthlang Branch KTP Asst Leader, Zonuum Bial KTP Committee-ah ex-officio, Luangmual Vengthlang Kohhran Sunday School-ah Senior Department Leader, Pathianni chawhnu leh Inrinni zan inkhawm thuhrl rawngbawlna te a ni.

Kohhran leh Branch KTP rawngbawlna lamah hian tleirawl lai atanga inhmang tan a ni a. Bial KTP Committee-ah hian Zonuum Bial din tirh, kum 2009 atangin ala awm ta char char a,

Secretary, Asst Secretary leh Bial Zaipawl Director rawngbawl na a chelh tawh.

Bible thu nginat:

Sam 37:5 *"I awwm dan tûr chu LALPA chungah ngath la; Amah chu ring la, aman a ti vek ang."* tih chang hi a inngahna a ni.

Fakna Hla duh zawng :

KHB 58-na *"Isu nunnem, lo tawng ang che"* tih hi a ngaina a, KṯP General Conference 2018 hla bu-ah hian number 14-na *"Min hruai thin"* tih hla hi a duh hle bawk. Kohhran Zaipawlah hian Bass part a sa a, hla zir apianga zirtir ngun ngat bik a ni ziah.

Infiamna lam hi a ti ve thei zul, thiam tak tak erawh a nei chuang lo. Tunlai hi chuan a ko tlang A-team tha mi a ni.

Member-te hnena thuchah:

Tunlaiin mahni tawkah ṯhalaite kan buai tlang tawh hle a. KṯP member tam zawk tan chuan zirna leh mahni eizawnna ngaihtuah hunlai a ni a, heng kan hun pawimawh lai tak hian tu dang bel lovin kan Pathian Engkimtithi hi bel ila, Lalpaah chawl chungin, kan chhungte leh mi dangte tana chhen fakawm ni turin ṯan la zel ang u.

PATHIAN THU ZIR DUH TAN

Presbyterian Bible School, Mission Veng, Aizawl ah C.Th (Certificate in Theology) zirtur lak a ni leh dawn a, dil duh chuan heng hi hriat tur a ni e.

1. Admission Form Office-ah Rs 10/- a lei tur ani a, August ni 21, 2018 (Thawhle hni) tlai dar 3:00 thleng PBS Office-ah thehluh theih a ni. Diltu chu Class VII pass/Middle School exam pass, kum 16 aia naupang lo, Kohhran dan chhunga awm a ni tur a ni.

2. August ni 28, 2018 (Thawhle hni) zing dar 10:00 ah interview nei h tur a ni a, September ni 3, 2018 (Thawh ṯanni) ah class ṯan a ni ang.

3. Zir hun chhung thla 4 i.e., September to December, 2018 a ni a, hrechiang duh tan Ph. No 0389-2317343/0389-2325082/9436198231 ah zawhfiah theih a ni.

Sd/- Rev. Lalneihvura
Principal
Presbyterian Bible School

PATHIAN HMANRUA - KTP

— *Upa Lalmuanpuia*

Kristian Ṭhalai Pawl han tih ngawt pawh hian a ri a mawiin a lunglenthlak ṭan ngawih ngawih mai. Kum bithliahin min hnaw! hnua, thawktu ka nih avanga kum eng emaw chen ka la awm zui chung pawhin, la KTP reng mai a, KTP rawngbawlna a la tel ve zel mai chakna rilruah a lian hle.

CKTP Office-ah hian kum 13 chhung khawngaih rawngbawl na hna ka chelh ve a. Heng kum 13 chhung hian Pathian leh kan hruaitu fel tak tak te kaltlangin thil tam tak ka tawng a, thil chi hrang hrang ka zir a, ṭhian ṭha tam tak ka chhar a, Pathian min hruaina ka ngaihtuahin vannei ka inti em em a ni.

He kum 13 chhung hian KTP te'n thuziak hmanga kan rawngbawlna pawimawh tak Kristian Ṭhalai chanchinbu thla tin chhuak, bahlah awm miah lova a buaipuitute zingah ka tel thei hi thawh hlawk lo hle mah ila Pathian hmanruate zingah ka tel ve niin ka inhria a, ka lawm em em bawk a ni.

Pawl lian leh ropui tak tak sawi tur kan hre ṭeuh awm e. Eng pawl pawh ni se eng emaw atana

hmanrua vek an ni. Ṭhenkhat chu Politics hmanrua an ni a, ṭhenkhat sumdawwna hmanrua an ni a. Thil ṭha tih duh ve hrim hrima pawl indin tam tak an awm baw. Chutiang pawl hrang hrang karah chuan Kristian Ṭhalai Pawl pawh hi a lo indin chhuak a. Eng hmanrua atana din nge maw a nih ve chiah le?

'Rawngbawl tura chhan dam', Kristaa innghat tlat kan nihna hi pawl dangte aia Kristian Ṭhalai Pawl kan danglamna langsar tak a ni a, he kan danglamna hi mi tin thlir leh hriat theihin langsar zel rawh se. Pawl danglam bik chu a hruaitu leh memberte pawh kan danglam tur a ni ang. KTP rawngbawlna hi kan hma lam hun lo kal leh zel

atana inzirna tha a ni a, he platform tha tak hi eng pawl mahin an nei ve lo. He hmuna kan awm chhung tawitea rawngbawltu tha leh rinna kawnga mi ngheta kan inchher hman loh chuan kan dam chhungin inzirna chance tha dang kan nei tawh dawn lo. Pawl lian leh pawl ropui tak a nih vang hian pawn lam a tanga selna leh sawichhiat te pawh kan hlawh chang a awm fo. He pawla kan awm chhung hian thlir dan dik lova min thlirtute ngaih dan her danglam tura a chhunga miten tan kan lak a tul a ni.

He pawlah hian hun eng emaw chen lo tel tawhin chhanvo hrang hrang pawh ka lo chelh ve tawh thin. Nuam ka ti a, a hlimawm pawh ka ti. Keimah ang bawkin ka hmaah pawh mi tam tak an lo awm tawh a, tunah pawh a kum telin kumtin kan pung tual tual, kan ke pen pawh a zau tual tual mai. He pawl ropui taka kan awm chhung hian Kristaa kan danglamna hi midangte tan malsawmna a nih theih nan tan i la zel ang u.

KTP-ah hian mi chi hrang hrang - fel tak tak te, fel vak lo

te pawh kan awm. *‘Nimahsela in ropuiah hian bungbel, rangkachak leh tangkarua a siam mi chauh a awm lo va, thing leh belleia siam mite pawh a awm thin a, thenkhatte ngaih hlut tur a awm bawk a, thenkhatte chu ngaih hlut loh tur a awm bawk a’* (II Tim.2:20).

Kohhran kutke ni tura thalaite buatsaih hi KTP chuan a tum a nih avangin, eng ang mi pawh kan leng vek. Chutiang mite Pathian hmanrua atana lo chher leh siam that chu a hna a ni. Pathian rinna kawngah pawh hian kan inchen lo, kan dawn te hi a inang vek lo, kan theihna te hi a inchen vek lo, kan hneh tawh leh kan beih tawh pawh a inchen lo. Mahse, keimahni zawn theuhah hian ding nghet ang u, chu chu Pathian hmanrua rinawm atana kan insiamna a ni.

Kohhran kutke ni tur si, Inkhawm thulh reng mai kan ni em? Kohhran kutke ni tur si, inkhawm laia inkhel en leh programme dang insiam chawp ching riau kan ni em? Sam phuahtu chuan, Pathian biak in hung chhung kawtlaia ni khat awm pawh ni sangkhat aia a that zawk thu leh, khawi lai hmun emaw mai maia awm ai

chuan, Pathian ina kawngkhar te pawhin kan sawi thin. 'KTP vengtu nih pawh a duh zawk min timalpho, min thu a sawi (Sam 84:10). KTP tihmingchhia' tih tawngkam te member, piangthar inti si, Pathian hi kan hmang fo mai. Chutih Biak In kan ngaina lo lutuk rual chuan hetiang mite hnena ringawt te, inkhawm rei kan hlau chhandamna hna thawk tura lutuk ringawt mai te pawh hi kan Pathian hmanrua kan ni tih i in inenfiah a tul hle. Kohhran kutke theihngilh lo ang u.

ni tur leh Kohhran hnathawh Kristian Thalai Pawl ten hei tipuitling tura koh, Kohhran leh chen hi Pathian kaihhruaina hnatlanga thawk ngai reng kan lo chang tawh. Kan kal leh renglo te kan ni mai ang tih a zelna turah hian bungbel hlauhawm hle mai. ngaihhlut loh tur zingah kan

KTP hi kan zinga mi chak lo intelh palh hlauh ang e. Lalpa zawkte leh nun khawlote hman tlak ni zel turin i avang hian mualpho fo thin ang inbuatsaih theuh ang u. Kristian

YRC HMALAKNA REPORT

- Secretary, YRC Sub-committee

Pathian hruaina zarah YRC (*Youth Recreation Centre*) pawh hmalak chhunzawm zel a ni. Kumin chung hian *General Conference* thu pass hre rengin theihtawpin hmalak chhoh mek zel a ni.

Kristian Thalai May thla issue-ah thailan tawh ang khan Central K.T.P *committee*-te leh *Architect* te'n a hmunah an tlawh a nih kha, hemi hnu hian Sub-committee in hma la chhunzawm zelin *Architect* leh *Surveyor*-te nen a hmun enho leh a ni a, tuna laih sa hniam lai ber chen hian laih zawl ni se a tawh theih tawh beisei a ni.

Hmabak laih tur hi a lung a chan deuh tawh avangin, sawt zawka hna thawh a nih theih nan hal theih a ni em, hal ila a him tawh em, tih min enfiah pui turin *Dr. C. Sawmliana, Principal Scientist, Rock Excavation* biak a ni a, a ni ho hian enfiahin, ruahmanna a rawn siam ang te nghah mek a ni.

Kum 2015 atang khan YRC hmun hi laih tan a ni a, a thawh hun chung tak erawh thla 16 chung vel a ni. Kan thawhhona avanga kan thlen chin hi a thui tawh hle a, *member* te i tang sauh sauh zel ang u.

Ngaihnaum Ngaihawm



9774196355

SAKAWRDAI PASTOR BIAL ZAIPAWL

Sakawrdai Pastor Bial ah hian Kohhran 7 a awm a, bial chhung khaw thenkhat phei chu Thingtlang kilkhawr, motor pawhin a tlawhpawh vak loh te an ni hlawm. Bial Zaipawl neiin chawlhkar tin zirtawp zan leh irinni chhun hi Bial Zaipawl hla zir hun atana ruat a ni. Kohna hran siam ngai lovin hemi hunah hi chuan member te hla zir turin an kalkhawm mai thin.

Bial Zaipawl member-te hi chhungkaw dinhmun pawh harsa ve tak tak, nitin eichawp zawnga khawsa ve tawt tawt te an ni ve hlawm a, hetichung pawh hian chhuanlam siam lovin, mahni hna pawimawh tam tak kalsan in, taima tak leh inpe takin chawlhkar tin hian hla zir turin an kal zat zat zel thin a ni. Hla zir tura kalna pawh a hautak hle a, Motor a kal te pawh duh viau mah se, kalna tur a awm tlat si loh avangin, ke a kal a ngai tlat bawt si. Hla zir tur hian 12 km vel a hla ke hlir in an kal a, ruah sur lai pawh ni se hla zir tan hun nan hman loh hlauvin, thawmhnaw zawng zawng huh vek pawh pawisa lovin ruah pawh an do mai thin.

Fur hun lai ngat phei hi chuan Vangvat karah, thawmhnaw huh vek leh khur dar dar chung a hla zir chang te pawh a awm fo mai. Khumbet a na an nih lem loh chuan nuamsamlo chung pawhin an kal mai thin a ni. Bial Station Sakawrdai ah hian hun tam zawk hla zir nan hman thin a ni a. A chang chuan Kohhran hrang hrangah pawh zir kual ve thin a ni bawt. Mahni hna kalsan a tha leh zung tam tak an sen mai piaah lamah sum leh piaah pawh mahni insengsovin hlazir a thawh chhuah tul chang a awm bawt thin. Heng an inpekna leh thawhrimna te hi Pathianin mal a sawm a, Bial Zaipawl nung tak an neih theih phah thin a ni.



❑ KṬP in a Project lian tak kan buaipui mek YRC hi ṭhalaite tan mai nilo Kohhran leh Ram tana chhenfakawm tura buatsaih a ni tih hi kan hriat fo ṭha in ka hria. Kan hruaitu hmasa ten ṭawngṭaina nen an rilru leh tha sengin theihtawp an lo chhuah tawh a, he hna lian tak hi kawng hrang hranga ngaihtuah chuan harsa viauin lang mahsela Pathiana innghata inlunguala ṭawngṭaina nen theihtawp kan chhuah phawt chuan Pathianin YRC ropui tak min buatsaih sak ngeiin ka ring tlat a ni. Hei leh chen member-ten kan sum thawh hmanga kan din tawh hi tawpsan mai hi a uiawm a, hmasawn tuma ke pen zel hi kan tihtur niin ka hria. Khawpui mi tan mai nilo thingtlanga kan unaute tan hian ala tangkai hle dawn a ni. Chutiang tura hmalak a ni zel hi a lawmawm hle.

- *Upa Rosangliana, Chairman (YRC sub- committee)*

❑ YRC hi ṭhenkhat ten sawisel viau mahse a tha ka ti

takzet a ni. A puitlin hun hi ka nghakhlel hle, kan ram zim te ah ṭhalai dangro leh nun chhawlhal te tan lunglohtui a nih ka ring, ṭan ila thar zel ang u.

- *C. Ramniengmawia Kanghmun Br.*

❑ YRC hi KṬP member zawng zawng buaina a tling a, a hmanṭ tangkai tur erawh mi tlemte chauh. Pheikhawk Rs 3,000 man lei ngamin YRC pual 50,30,20 a thawh hreh tlat hi, inhrilhhriatna ṭha tawh a awm a ngai. Khawn a tih tam phah a, khawn a tam lutuk hi member-ten kan ning a, Kristian Ṭhalai kaltlang hian YRC puala sum lut leh a hmanna, a te ber aṭanga a lian ber thlenga thailan theih nise, hriat a chakawm.

- *Ramchhana Hmar Ramhlun Vengchung Br.*

❑ YRC hi Zoram chhung leh pawn a KṬP leh Kohhran te tan a chhenfakawm dawn hle. Aizawl tan chauha tangkai tur anga ngaihdan awm ṭhin hi chu YRC dinna tura ruahmanna (Project) kan la chian tawh loh vang a ni.

- *Tv. Jacob Chhangte, Falkawn
Hmar veng Br.*

❑ Hetiang sawi ve theihna hun remchang a awm thei hi a lawmawm ka ti khawp mai. YRC hmalakna hi a muang deuh em aw ka ti ve a, kumin kumtir lam khan ka tlan tlang ngun a, engnge hmalakna a muan chhan hi le? A siam zawh hun kan nghakhlel ve tawh viau si a.

*Lalthuthlungmawia,
Lailak br.*

❑ Mizo te hi kan thil tih result rang taka hriat chak hnam kan ni. YRC hi tuna kan plan dan ang tho pawhin, a building leh adangte hi man tlawm zawk, kan mil tawkin 'run' phawt ila, member te pawh kan phur anga, kan thuam tha chho zawk ang chu mawle.

- *Malsawma, Bethlehem Br.*

❑ YRC hi thil tangkai tak tur niin ka hria, mahse a hautak lo zawnga kan mamawh dan anga sak theih dan awmse a tha hle mai. Member te dinhmun a in ang lova, active member tana na lo hi active lem lo tan a lo na thin a, YRC member tina khawn hi ti tlemin a puala inkhawm thawhlawm dah hi tih atan a tha zawk awm mang e.

- *PC. Lalremsanga
Lunglei Ramthar branch*

❑ KṚP ten kan Synod hruaitute kaltlanga YRC hmun hma tha tak kan nei thei hi kan vannei hle mai. Hma pawh kan sawn, Pathian min hruaina a lawmawm tak zet. Tunlai khawvel thalai rilru chak leh hmanhmawh takah hi chuan hmalakna te hi a chak tawklo ti pawh kan awm a, a awm tho mai. Amaherawhchu hmalatu tak nih loh chuan hriatthiam te pawh a har mai thei. Member te hian sawisel a ram tang mai lovin kan hmalakna te hi ngaihvenin a hlawhtlin nan engnge ka tih ve ang tih rilru kan put a pawimawh hle mai. Selna hian hna a tichak sawt dawn lova, fuihna leh KṚP member te thawhhona tha hi YRC hlawhtlin nan ava pawimawh em.

- *Pu Zonunsanga, (Ex-CKTP & Ex- YRC Committee)*

❑ YRC hi kan puitlin thei em em ang, mel 1000 thleng tur pawhin pen khat atanga tan a ngai a lawm mawle.

- *Thanchungnunga, Mimbung Br.*

❑ YRC hi a puitlin hun a nghahhlelhwawm khawp mai, ram tana rotling tham KṚP in a buaipui hi hlawhtling ngei teh se.

- *Hmingthana Zadeng
Khatla*

SUNNA



C. LALRAMDINGZELI 1996-2018

C. Lalramdingzeli @ *Dingpuii* hi Pu C. Lalthan tuanga leh Pi C.Lalramengi fa pathum zinga a milai ni turin September 27, 1996-ah Saichal khua, Mizoramah a piang a. Pastor John Raldosanga kutah Baptisma a chang. Kum 2013-ah a u bel in, *BSF Senior Secondary School, Umpling, Shillong*-ah a zirna a chhunzawm a. B.A (History) hi St.Edmunds College, Shillong ah 6th Semester a zir mek laiin, March 14, 2018 zanah vanduaithlak takin a accident (A inbual tur Immersion rod-a electric current leak in a man) palh hlauh mai a, a rawngbawlpui

te chatuan ram a chawl tawh turin min kalsan ta a ni.

A mah hi mi ñhangduang leh hrisel ñatak, mi nunnem, nuntluang leh hawihawm, nawmsam loh lai pawha biaka nui sang reng thei mi a ni. Naupang ber atanga pitar putar thlenga kawm thei mi a ni. Pathian ñih tu , Bible changte pawh kuta ziaak chhuak in, chokaah a tar a, a nu hnenah rawngbawl paha chhiar turin a hrilh ñhin a ni.

Khawtlangah leh kohhran rawngbawlinaah chanvo pawl mawh tak tak a chelh mek a, chung te chu:

1. Madanrting Pastor Bial Zaipawl member.
2. Madanrting Pastor Bial KÏP Committee Member.
3. Umpling Branch KÏP Treasurer.
4. UmplingMizo Presbyterian Kohhran Sunday School Beginner Pawl Zirtirtu.
5. Umpling Branch YMA Committee member.
6. MSUShillong Cultural Sub-Committee member.
7. Meithal (St. Edmunds Mizo Unit) Finance Secretary.

' Tunah inñhen rih mah ila, nakinah, vanah kan in tazok leh ang'



KANTU

Phullen Vengthar Branch

Kristian Thalai Pawl Phullen Vengthar Branch hi Phullen Vengthar Pastor Bial chhunga awmin, Ni. 14.Jan. 1984 khan din a ni a. Kum 2018 hian member 283 (Mipa 175 leh hmeichhia 108) kan ni.

Branch Committee member hi Kohhran aiawh leh Bialtu Pastor nen 25 kan ni a. Thlatin Ninga zan wawi hnihna hi Committee hun nghetah kan nei a ni. Missionary 7 leh a chanve kan chawm a, kan member atangin missionary a chhuak mek mi 4, Pro-Pastor 1 leh M.Th zir zo 1 kan nei.

Kristian Thalai Chanchin bu hi Copy 55 kan la mek bawk. Kum 2018 Project atan, "*KTP Thlarau lam chakna tura hmalak*" tih leh "*Sound System tihchangtlun*" thlan a ni a. Heng kan Project tihhlawhtling tur hian theihtawp chhuah a ni a. Sound System tihchangtlun nan hi items 12 lai lei tawh a ni. KTP Thlarau lam nun tihchak nan hian member tlawhchhuah te, khawlaia

inkhawm tura sawm thin leh member hla zawk tana tawngtaina hun hman thin a ni. Sumtuakna tlangpuiah hian Faith Promise lakkhawm, Group Budget leh inhlawhna awm ang anga inhlawh thin a ni. Tin, kumin chhung hian 467002 /- hmuh tumin theihtawp a tanlak mek zel a ni bawk.

Branch hnuaiah hian Sub Committee panga - Usher Sub Committee, Evangelism Sub Committee, Literature Sub Committee, Programme Sub Committee leh Music Sub Committee te din a ni. Heng Sub Committee te hian Branch hmasawn nan chak takin hman la thin a ni.

Kumin chhung hian kan member Missionary a chhuakte hming chawiin hetiang hian Group 4-ah inthen a ni. V-Tea Group, Estheri Group, Mapuii Group leh Mami Group. Heng Group hrang hrang te hi budget 10000/- theuh tuk an ni a. An remchan hun hunah an bud- get hi an pe mai thin a ni.

Chhiatni / thatni

inkaihruaina chungchangah kan member boral (Thihna taw) an awmin thuziak (Citation) leh 1000 hlan thin a ni a, hei hi Pathianni remchang hmasa berah chhiattawh chhungte Inah Tawngtai inkhawm nei a hlan thin a ni. Biak In hawnga nupui pasal nei an awmin Zaipawl zai thin a nih bakah lawmpuina Citation, Holy Bible pek leh Inneih Programme chhutsak thin a ni bawh.

Kum khat chhunga Branch hmalakna tur leh Programme hman dan tur Branch Kalendar siam a ni a, hemi zulzui hian kumtluanin kal thin a ni. Kohhran leh KTP inkhawmah hma kan sawn theihnan hetiang hian Group hrang hrangte inchhiarna nei thin a ni. *Darrik atanga 15 mins a thleng, Thawhtan zan inkhawm, nilai zan inkhawm, Pathianni chawhnu inkhawm, Bible / Hlabu keng, hla zir.*

Kum 1997 atang khan Kohhran Chanchinbu kartin chhuak, " Kohhran Kantu" Pathian zarah tluangtakin kalpui zel a ni a, a enkawltu bik Editorial Board insiamin anni hian Pathianni tuk a chhuak turin Inrinni zan apiangin an buatsaih thin a ni.

Central leh Bial KTP atanga hmalak tur awm ang

te chaktaka hmalak thin a ni a. Central KTP enkawl Youth Recreation Centre (YRC) budget tuaknan sangha zawrh leh Inhlawhna awm ang angah te inhlawhin budget tuak thin a ni bawh.

Kumin hian Thawhtan zan inkhawm kan tha thawkhat hle a, inkhawm kan pun lehzuat theih nan retreat, Group OB leh Branch Committee ten member tlawhchhuakin KTP activity hrang hrang a tanla thar turin kan insawm thin a ni. Thawhtan zan inkhawmah hian Sermon leh kumpulan thupui hman te a hun hman thin a ni a, Tin, Sub-Committee hrang hrang te pualin Nite hman thin a ni bawh.

Memberte kan lo inpawh zawk theih nan leh member hla zawk te phurtaka an rawn tel theihna hmanrua atan KTP Sport nei thin a ni a, hei hian rah duhawm tak a chhuah thin a. Worship service mai nilo, hnatlang leh activity hrang hrangah rah thatak a chhuah kan hmuh zel avangin bansan chi-ah kan ngai lo. Kumin hian member te kan inpawh tlangin, hnatlang reng rengah kan thawk chhuak tha thin hle a, memberte kan inlungualin, kan rawngbawlna ki peng hrang hrangah pawh hma kan sawn nasa hle.



HRINGLANG TLÁNG

Pathian Hun!

Thing leh raw innawoh lai khan, khaw pakhatan hian mi fing deuh, thatchhe phian si hi a awm a. Hna thawk peih si lo hian a leng kual dun dun a, a tawngkam thiamna chu a ei hmuhna a ni deuh ber a. Ni khat chu, 'Pathian tlang' an tih hmun chu a han thleng ve hlazl mai a.

Tawngtaina hmunah chuan Pathian chu an au ve chhin a. A rin loh deuh maiin Pathian chuan a rawn chhang ve ta tlat mai a! A phur em em a, Pathian chu thil ropui tak tih tir a tum ta a.

"Lalpa, kum maktaduai khat hi i tan engtia rei nge ni ang?" tiin Pathian chu a zawt a. "Minute khat ang pawh a ni ang." tiin Lalpa chuan a rawn chhang a.

"A nih leh Engkimtithei Lalpa, Minute khat lek khi kum maktaduai khat ang maia reiin i siam thei em?" a ti leh a. "Siamtu tan theih loh a awm lo" Lalpa chuan a ti a.

Chu pa chuan, "Lalpa, kum maktaduai khat pawh i tan minute khat ang lek maw lo ni!" a ti a, phur em em hian a thu tha

sauh sauh a.

"A nih leh Lalpa, Cheng maktaduai khat hi i tan eng anga tam nge?" a ti leh a. Lalpa chuan, "Chengkhat ang lek," tiin a lo chhang leh a.

Chu pa chu a phur tawlh tawlh a. Pathian chu tawngawh tir ngei a tum a, "A nih Lalpa, mihring tan pawh chengkhat lek in pek chu thil ui awm a ni lova. Chuvang chuan i tana chengkhat ang lek, cheng maktaduai khat min pek chu i tan thil har a ni dawn em ni?" a ti a. Lalpa chuan. "Har lo tawp mai. Mahse, min lo nghak lawk thei a ngem?" a ti a. Chu pa chuan hlim em em hian, "Thei teh reng mai, mahse rei lo la, haw leh vat ka duh!" a ti a.

Lalpa chuan, "Rei lovang, minute khat ang lek" a ti a. Kum maktaduai khat pawh minute khat leka ngaitu, minute khat lek pawh kum maktaduai khat anga siam theitu chu engchen tak nghak ang maw!

1 Korinth 1:25: Pathian atna chu mihring aiin a fing zawk a, Pathian chak lohna pawh chu mihring aiin a chak zawk barok si a.

Keimahni



❑ TUAL UPA ATAN THLANG

May 27, 2018 (Pathianni) khan College Veng Kohhran chuan CKTP General Secretary, Pu Rochungnunga chu Tual Upa atan an thlang. Hemi ni vek hian Khatla South Vengthar Kohhran chuan CKTP Committee Member Tv. Lalrinmawia Ralte chu Tual Upa atan an thlang nawn leh baw.

❑ APEX BANK-AH CKTP ACCOUNT THAR HAWNG

May 30, 2018 khan CKTP Committee meeting 711:XI-in a lo rel tawh angin Mizoram Cooperative Apex Bank, Centenary Branch, Mission-ah CKTP Bank Account hawn a ni a, General Secretary leh Treasurer-te chu Account Operator tur an ni.

❑ SYNOD CHOIR PATHIAN HNENAH HLAN

June 8, 2018 (Zirtawpni) khan Synod Conference Centre-ah Synod Choir 2018-2020 member tharte chu Synod Moderator Rev. F. Lalrinnungan Pathian hnenah a hlan. Synod Choir member tharte hlanna hi Upa Rosangliana, Asst. Leader chuan a kailhruai a, T.Upa Rochungnunga, General Secretary chuan inhmelhriattirna neiin Synod Choir member thar lak chungchang report a pe a. Synod Moderator hian Pathian hnenah hlanin, Rev. Dr. K. Lallawmzuala, Leader-in thuchah a sawi a, Upa R. Dengzikpuia, Synod Secretary chuan tawngtaiin hlanna inkhawm hi a khar.

❑ TV. C. LALREMRUATA KUM CHANVE DANG ATANA RAWIH THU

CKTP Office Assistant, Tv. C. Lalremruata chu July - December 2018 chhung atan Temporary Appointment pek leh a ni a, a lawmawm hle. (vide Office Order No. 300 of 2018).

❑ UPA LALMUANPUIA COORDINATOR-AH KAISANG

CKTP Asst. Coordinator, Upa Lalmuanpuia chu SEC 273 chuan Coordinator-ah hlangkaiin, Mizo Sunday School Union-ah a dah a, a hna thar hi June 18, 2018 khan a zawm tan. Upa Lalmuanpuia hi KTP Office-ah hian kum 2005 May thla atanga awm tan tawh kha a ni a. Coordinator-a a kai hi kan lawmpui em

em rualin, KṭP chuan hun rei tak min lo ṭhutchilhtu hi kan ui hle.

❑ **BRANCH DING THAR REPORT**

Himali Pastor Bial aṭangin KṭP Tanhril Vengthar Nepali Branch Church branch thar din a nih thu kan dawng. Tanhril Vengthar Nepali Branch Church hi June 10, 2018-a din a ni a, mipa 16 leh hmeichhia 12, an vaiin member 28 an awm.

❑ **CHOIR CABIN CHUNGCHANG**

CKṭP Committee 712:XII-in a lo rel tawh angin, June 14, 2018 khan Synod Trust Committee-ah Junior Engineer, Pu Lalhriatpuia hovin T.Upa Rochungnunga leh Dr. David C. Vanlalfakawma te chuan Synod Conference Centre-a Synod Choir hla zirna hmun, Choir Cabin-a room pakhata tui far leh a cheibawl dan tur an en a. Trust Committee hian rough assessment siamin, a chung far a reh theih nan anmahni budget aṭanga hma an lak tur thu sawiin, a chhung cheibawl na erawh CKṭP-in lo ngaihtuah se an ti a. A chhung cheibawl na, rawng hnawih leh thlak ngai thlak nan te, chhuar (show case etc) siam nana Trust Committee-in rough estimate an siamah chuan Rs. 70,000 vel sên ngaihna tur a ni.

❑ **AVBD AṬANGIN CKṭP-IN CHAWIMAWINA DAWNG**

June 14, 2018 kha World Blood Donors Day a ni a, hemi pual hian Lal Thanhawla Auditorium, Treasury Square-ah Association for Voluntary Blood Donation buatsaihin hun an hman a, hetah hian Mizoram hmun hrang hranga KṭP-ten thisen kan pek ṭhat avanga lawmthu sawi nan CKṭP chuan Citation kan dawng. Citation hi Central KṭP aiawhin Tv. Robert Lalduhzualan a dawng.

❑ **CENTRAL TRIPURA PYF NENA INPALAI TAWN CHUNGCHANG**

CKṭP Committee 712:V Tripura PYF-in CKṭP nena inpalai tawn an rawn rawtna chungchang, Synod OM-a kan thlen chu OM chuan ngaihtuahin 'SEC-ah thlen ni se' tia an rel thu kan dawng (vide OM 9:3/2018 of 13.6.2018).

❑ **KṭP TENA THISEN KAN PEK DAN HRIATTIRNA LEH LAWMTU SAWINA**

Association for Voluntary Blood Donation aṭangin KṭP tena thisen kan pek avanga lawmthu sawina leh, KṭP ten kum 2017 April aṭanga kum 2018 March thla chhunga thisen kan pek dan hriattirna kan dawng. Thla 12 chhung hian Bial leh Branch 112 ten thisen kan pe. Thisen pek zawng zawng hi unit 3636 a ni a, petute hi mipa 3025 leh hmeichhia 611 an ni.

❑ HRUAITUTE CHHUAHNA

1) *Kawrthahah YRC Campaign-in kal*

May 25, 2018 (Zirtawpni) khan Kawrthah Bialah YRC campaign hun hmangin Tv. Robert Lalduhzuala, Committee member leh Pu Lalruatfela, Committee member te an kal. Zan lamah hun hman a ni a, Projector hmangin YRC master plan leh hmalakna kal mek video clip-te thlirin, sawi zauna leh zawhna leh chhanna hun hman a ni bawk.

2) *1st Mizoram PLHIV Conference Inauguration Function Programme hmanpui*

June 5, 2018 khan, 1st Mizoram PLHIV Conference Inauguration Function Programme, Lalthanhawla Auditorium, Aizawla neihah CKTP te min sawm angin Tv. C. Malsawmtluanga, Committee member CKTP chu a tel. 1st Mizoram PLHIV Conference programme hi June 5-7, 2018 chhunga neih a ni a, CARE- World Vision India, Gan Sabra, MSACS, FHI360 leh PLHIV te tangkawpin HIV darh zel tur venna kawnga tangkai zawka hma kan lak theih nan leh hmasawnna kan neih theih nana an buatsaih a ni.

3) *Sakawrdai Bial KTP Meet leh Leadership Training*

June 1-3, 2018 khan Sakawrdai Bial KTP Meet Cum Leadership Training, Sakawrdai Chhim Veng Kohhrana neih hmanpuiin T. Upa Lalsiammawia Pachuau leh Pu PC Lalrinsanga te an kal. June 2, 2018 (Inrinni) chawhnu ah T. Upa Lalsiammawia Pachuau leh Pu PC Lalrinsanga Leadership Training an neihpui bawk. Inrinni zan inkhawm ban fellowship-ah Pu PC Lalrinsanga'n thuchah tawi a sawi a, Pathianni chawhma inkhawmah T. Upa Lalsiammawia Pachuauin Pathian thuchah a sawi.

4) *Cherhlun Bial KTP Meet*

June 9&10, 2018 (Inrinni leh Pathianni) khan Tv. Robert Lalduhzuala, Committee Member leh Tv. Benjamin Lalnunpuia, Committee Member te chu Cherhlun Bial KTP Meet hmanpuiin Cherhlun Kohhranah an kal. Tv. Robert Lalduhzuala'n Inrinni zan Inkhawmah Chibai bukna leh CKTP rawngbawlna report a pe a, Pathianni chawhma leh zan Inkhawmah Pathian thuchah a sawi bawk. Pathianni chawhnuah Tv. Benjamin Lalnunpuia'n Pathian thuchah a sawi a, NI. Lalduhsaki, Durtlang chuan inkhawm apiangin zaia rawngbawlna hun a hmangin thin bawk a ni.

5) MYC *buatsaih Kohhran thalai hruaitute inhmukhawm*

June 8, 2018 (Zirtawpni) khan Mizoram Youth Commission buatsaihin kohhran hrang hrang thalai hruaitute chu MYC Chairman, Pu Joseph Lalhimpuia office-ah an inhmukhawm a, hetah hian kohhran thalai hruaitute India rama Kristiante hmunpui leh hmun pawimawh tlawha zin dan tur sawiho a ni. CKTP aiawhin Leader, Rev. Dr. K. Lallawmzuala leh General Secretary, T.Upa Rochungnunga te an kal.

June 26, 2018 khan zin dan tur chungchangah hian meeting koh leh a ni a, hetah hian T.Upa Rochungnunga, General Secretary chu kalin, CKTP chu zinnaah hian kan tel remchang ve thei dawn lo tih hriattir an ni.

6) *Youth Leaders Conclave*

June 12-14, 2018 khan India Mission Association huaihawta Guwahati-a 'Youth Leaders Conclave'-ah CKTP hruaitute leh Bial aiawhte an kal. CKTP Committee members pahnih Tv. C. Malsawmtluanga leh T.Upa Lalrinmawia Ralte te bakah Chaltlang Bial, Dawrpui Bial, Mission Veng Bial, Ramhlun North Bial leh Sihphir Bial atangtein mi pakhat theuh, an vaiin mi 7 an kal a. He programme hi, 'Nakin lawka ram hruaitu ni mai tur thalaite zingah engtin nge nasa zawka rawng kan bawl ang,' tia inrawnkhawmna a ni a. Thupui pawimawh tak tak hmanga thusawi ngai thlain group discussion tea hun hman ho thin a ni.

7) *Dissemination Seminar*

June 19, 2018 (Thawhlelni) khan Shalom (Society for HIV/AIDS and Lifeline Operation in Mizoram) chuan Zarkawt Presbyterian Kohhran Hall-ah 'Dissemination Seminar' an buatsaih a, CKTP te min sawm angin Committee member pahnih - Upa K. Lalnuntluanga leh Tv. C. Malsawmtluanga te an tel. He hunah hian tleirawlte HIV laka venna atana Shalom hmalakna hrang hrang leh an zir chhuahte ngaihthlaka sawiho a ni.

8) *YRC Awareness Campaign*

June 25, 2018 (Thawhtanni) zan khan KTP Saron Veng Branch chuan YRC Pual Inkhawm an buatsaih a, hetah hian YRC Sub Committee-te chu sawmin, Sub Committee member atangin mi 9-ten an inkhawmpui thei. Upa Rosangliana, YRC Chairman chuan thu a sawi a, YRC Secretary Pu P.C. Lalrinsanga'n inhmelhriattirna hun hmangin YRC chungchang report a pe. Inkhawmah hian YRC video clip thlir ho a ni a, zawhna leh chhanna hun hman a ni bawk.



Kantu – Phullen Vengthar

CENTRAL K.T.P. HRUAITUTE 2018-2020

Office Bearers


Leader	: Rev. Dr. K. Lallawmzuala	9402551279
Asst. Leader	: Upa Rosangliana	9612166769
Gen. Secretary	: T.Upa Rochungnunga	9862658082
Asst. Secretary	: Tv. Ricky Lalammawia Ralte	9862387308
Treasurer	: Dr. Lalrotluanga	9436153937

Committee Members

Dr. David C. Vanlalfakawma	9436156561	Tv. Robert Lalduhzuala	9862368012
Tv. C. Malsawmtluanga	9862587200	T.Upa Lalsiammawia Pachua	9862742440
Pu K. Lalengzama	7308187298	Upa K. Lalnunluanga	8974240614
Pu David Lalhmachhuana	8415926838	Pu R. Lalbiakmawia	9612762602
Pu Rorelkima	9862266440	Tv. Benjamin Lalnunpuia	9862306526
Pu Lalrinchhana Ralte	9774365619	Pu P.C. Lalrinsanga	9436144233
Pu Malsawmtluanga	9612588677	T.Upa Lalrinmawia Ralte	9862359884

Ex-Officio Members

Rev. F. Lalrinnunga	- Synod Moderator
Upa R. Dengzikpuia	- Synod Secretary (Sr.)
Rev. B. Sangthanga	- Executive Secretary i/c KTP



Postal Regn. no. MZR/81/2018-2020
RNI No. MIZMIZ/2009/29074



Mizoram Synod Choir - (2018-2020)



Cherhlun Bial - Bial KTP Meet



Sakawrdai Bial - Meet cum Leadership Training

Printed and Published by Rochungnunga, Synod Office, Mission Veng on behalf of Kristian Thalai Fellowship
Edited by Robert Laiduhzuala and printed at Synod Press, Mission Veng, Aizawl, Mizoram, Copies - 38,400